

0-13-6
2

散曲叢刊
第五種
小山樂府

冊一

提要

小山樂府六卷。元張可久撰。據元鈔本張小山北曲聯樂府改編者。較坊間重編增校之本爲善。蓋張氏散曲集本。今知有七種之多。以此種北曲聯樂府爲最備。但其名稱第一費解。而內容又係以調類詞者。將張氏先後所作。今樂府蘇隄漁唱。吳鹽新樂府四集。完全拆散。原來之編製次序。俱不得見。是其大弊也。茲將四集之曲。各還其本來。首集今樂府內。並次序亦與原編相合。有樂府羣玉可證。此外外集一卷。一仍鈔本北曲聯樂府之舊。補集一卷。則據李開先輯張小山小令與諸選本輯成者。雖或有僞作參雜其間。要與本集無涉。又在外集之外。較之重編本。因調類詞。遂與本集相混者。體例爲正也。綜茲六卷。載

小令七百五十一首。套數七套。元人散曲專集。此爲獨傳。恐亦以此爲獨富矣。小山樂府。元時本有其書。爲上述七種之一。惜久淪廢。茲特假用其名。黃丕烈藏張小山小令抄本。亦題此四字。此本校文內所謂黃鈔小令是也。張氏爲散曲專家。所作清麗疏雅。古今一人。嚮與喬吉並稱。猶詩中之有李杜。其詳見曲諧內。

小山樂府目錄

前集今樂府

人月圓

山中書事

秋日湖上

春晚次韻

雪中遊虎丘

會稽懷古

客垂虹

吳門懷古

春日湖上 二首

開吳淞江遇雪

寄璩源芝田禪師

三衢道中有懷會稽

水仙子

西湖秋夜

吳山秋夜

次韻

秋思 二首

鑑湖春行

西湖廢圃

可侍郎奉使日南

春晚 三首

元夜小集

湖上卽事

重過西湖

湖上

春日郊行

青衣洞天

春思

紅指甲

折桂令

村養卽事

崔閒齋元帥席上

九日

梅友元帥席間

讀史有感 二首

秋夜閨思

贈歌者秀英

疎齋學士自長沙歸

湖上懷古次疎齋學士韻

秋思

春情

紅梅次疎齋學士韻

秋日海棠

次韻秋懷

西湖懷古

王一山席上題壁

二首

湖上卽事疊韻

桃花菊

鑑湖小集

酸齋學士席上

石塘道中

松江懷古

肅齋趙使君致仕歸

三衢平山亭

海棠

次韻

湖上卽事

元夜燕集

遊龍源寺

蓮華道中

滿庭芳

山中雜興

二首

次韻

二首

野梅

望仙子詩卷

湖上酸齋索賦

送別二首

湖上

過釣臺

金華道中

二首

題情

客中九日

普天樂

西湖卽事

贈別

次韻歸去來

胡容齋使君席間

秋懷

湖上廢圃

晚歸湖上

鶴林觀夜坐

寨兒令

道士王中山操琴

鑑湖卽事

次韻懷古

山中分韻得聲字

西湖秋夜

湖上春晚

鑑湖上尋梅

春曉

憶鑑湖

舟行感興

春思 二首

次韻

題昭君出塞圖

小隱

湖上避暑

三月三日書所見

春思

紅葉

送別

殿前歡

秋日湖上

次酸齋韻 二首

離思 二首

西湖晚晴

客中 二首

清江引

秋思

幽居

桐柏山中

湖山避暑

春思

二首

九日湖上

山居春枕

春晚

二首

湖上晚望

秋懷

小桃紅

寄鑑湖諸友

贈琵琶妓王氏

憶疎齋學士郊行

春思

鑑湖夜泊

離情

山中

夜宴

二首

朝天子

山中雜書三首 野景亭

酸齋席上聽胡琴

春思 梅友元帥席上

紅繡鞋

次韻 春日湖上二首

春夜 湖上

聖水寺山亭 越山卽事

天台瀑布寺 次歸去來韻

洞庭道中二首 天台桐柏山中

雪芳亭 春晚

歲暮二首 山中

鑑湖 三衢道中

沈醉東風

釣臺

湖上

元夜

幽居

二首

天淨紗

書懷

二首

元夕

閨怨

春夜

梅軒席上

梅友元帥席上

赤松道宮

浮雪樓夜坐

清明日郊行

江上

湖上分得詩字韻

月夜

魯卿菴中

慶東原

次馬致遠先輩韻九篇

九首

越山卽事

二首

醉太平

春情

席上有贈

懷古

迎仙客

感舊

湖上送別

春日湖上二首

春晚

秋夜

黃桂

凭闌人

湖上二首

春夜

春思三首

落梅風

天寶補遺

西湖

冷泉亭小集

春日湖上

春晚次韻

二首

蠟梅花

寒夜

題扇面小景

湖上

越城春雪

離情

江上寄越中諸友

春情

一半兒

寄情

二首

落花

酒醒

山坡羊

春日

二首

雪夜

別懷

梧葉兒

春日郊行

探梅卽事

鑑湖宴集

尋梅

感舊

夜坐

席上有贈

夜坐卽事

靈隱寺

卽事

山陰道中

湖上晚興

金字經

嵒山春晚

春晚

醒吟齋

偕王公實尋梅

秋望

二首

雪夜

金華洞中

佛會

二首

湖上書事

三首

春思

遊仙

別後

感興

閱武爲李正則賦

閨怨

四塊玉

閒居

春情

樂閒

喜春來

鑑湖春日

金華客舍

永康驛中

春夜

賣花聲

席上

偶題

懷古

二首

春

夏

秋

冬

客況

三首

齊天樂過紅衫兒

道情 二首

元夜書所見

湖上書所見

罵玉郎過感皇恩採茶歌

爲貫酸齋解嘲 楊駒兒墓園

後集蘇隄漁唱

水仙子

訪梅孤山

湖上晚歸 二首

清明小集

蘇隄晚興

湖上小隱 二首

春行卽事

孤山宴集

折桂令

湖上寒食

湖上道院

酒邊卽事

避暑醉題

滿庭芳

湖景

普天樂

重過西湖

暮春卽事

寨兒令

九日登高

遊春卽景 二首

湖上春行

晚涼卽席

殿前歡

春晚

湖上宴集 二首

雪晴泛舟

清江引

獨酌

夜景

情

小桃紅

湖亭秋夜

朝天子

湖上

紅繡鞋

懷古

西湖雨

簡呂實夫理問

沈醉東風

湖上晚眺

晚春席上

天淨沙

孤山雪夜

湖上送別

重遊感舊

晚步

憶西湖

醉太平

湖上

失題

失題

二首

落梅風

月明歸興

春晚

二首

書所見

憶西湖

梧葉兒

夏夜卽席

春曉隄上

湖山夜景

第一樓醉書

風入松

九日

二首

小梁州

春遊晚歸

分得金字

避暑卽事

訪杜高士

雪晴詩興

湖山堂上醉題

金字經

湖上小隱

採蓮女

秋望

湖隄春日

秦樓月

失題

漢東山

失題 十首

續集吳鹽

人月圓

春日次韻

中秋書事

子昂學士小景

水仙子

梅邊卽事

次韻還京樂

山齋小集

山莊卽事

歸來次韻

梅軒卽事

別懷

和逍遙韻

春愁

春晚

暮春次韻

樂閒

暮景

歸興

天寶補遺

三溪道院

春深

小園春晚

郊行卽事

樂閒

折桂令

別懷

幽居

西陵送別

夜景

金華山看瀑泉

別情

晚春送別

和疎齋學士韻

遊太乙宮

遊金山寺

秦郵卽事

皆春樓

湖上飲別

春情

次酸齋韻

閨思

別後

酒邊分得卿字韻

江上次劉時中韻

逢天壇子

皆山樓卽事

次白真人韻

歌姬施氏

重午席間

幽居次韻

滿庭芳

感興簡王公實

春晚閨怨

秋夜不寐

湖上晚歸

三衢道中

春晚梅友元帥席上

山居

九曲溪上

春日閨思

春思

普天樂

贈白玉梅

別懷

二首

客懷

收心

二首

秋懷

道情

渡揚子江

寨兒令

春晚次韻

題情

春愁

情梅友元帥席上

二首

過釣臺

明月樓

失題二首

元夜卽事

閨思

春情

收心

二首

妓怨

三首

閨怨

三首

秋千

感舊

春思

秋日宮詞

吳山塔寺

嘉和道中

觀張氏玉卿雙陸

山中

桃源亭上

殿前歡

次韻

春情

秋思

歸山

夜宴

茗溪遇雪

歸興

西溪道中

愛山亭上

清江引

春思

交翠亭

夏夜卽事

春懷

采石江上

草菴午睡

秋思

草堂夜坐

開玄堂上

小桃紅

淮安道中

秋宵有懷

遊仙夢

春思

秋感

寄春谷王千戶

春深

秋江晚興

朝天子

和貫酸齋

席上有贈

閨情

夜宴卽事

遊春

碧瀾湖上

開玄道院賞芙蓉

看雲樓上

郊行盧使君索賦

夜坐寄芝田禪師

郝東池席上

歌者詠梅

湖上卽席

冷泉亭上

過劉阮洞

探梅

紅繡鞋

次崔雪竹韻

甯元帥席上

仙居

尋仙簡霞真

簡呂實夫理問 天竺寺中

武康道中簡王復齋

歸興

德清山中簡耿子春

虎丘道上

茅山疎翁索賦

開玄堂上

秋望

開元遺事

過括蒼山

偕周子榮遊湖

沈醉東風

瓊花

晚春酬史楚甫

胡容齋使君壽

眉壽樓春夜

夜宴卽事

九月十日見桃花

靜香堂看雨

客維陽

夜景

天淨沙

馬謙齋園亭

雪中酬和王一山

春情

明月樓上有贈

由德清道院來杭

寒夜書事

桃源洞

春晚

秋感

醉太平

傷春

金華山中

登臥龍山

山中小隱

凭闌人

暮春卽事

二首

江樓卽事

八詠樓上酬正則李侯

秋思和吳克齋

和白玉真人

失題

湖上醉餘

二首

席上分題

晚晴小景

落梅風

玉果山先上尋梅

禹寺見梅

冬夜

別會稽胡使君

廢園湖石

歌姬張氏睡起

嘆世和劉時中

閒居

西園春暮

睡起

東嘉綠野橋

閒閒亭上

和崔雪竹

春情

胡貴卿席上

秋望

憶別

和盧彥威學士

肅齋翁命賦獅橘

一半兒

秋日宮詞

梅邊

情

野橋酬耿子春

賞牡丹

蒼崖禪師退隱

山坡羊

別懷

春睡

感舊

閨思

梧葉兒

春日感懷

早行

旅思

垂虹亭上

春日簡鑑湖諸友

雪中

別懷

春日書所見

壽席

長沙道中

山陰道上

有所思

小梁州

春夜

秋思酸齋索賦

郊行卽事

春日次陳在山韻

金字經

偕葉雲中山行

訪吾丘道士

青霞洞趙肅齋索賦

壽彥遠盧使君

湖上寒食

環綠亭上

開玄道院

佛會

王國用胡琴

題扇

次韻

情

四塊玉

秋望和胡致居 客席胡使君席上

春愁 傷春

宮中秋日 梅友席上

史氏池亭 東浙舊遊

懷古疎翁索題

塞鴻秋

湖上卽事 春情

道情 二首

慶宣和

春思 春晚病起 四首

毛氏池亭 賦情

歌者花花

撥不斷

第一樓小集

琵琶姬王氏

客懷

會稽道中

別集新樂府

水仙子

維陽遇雪

道院卽事

折桂令

小金山

小崆峒宴集

秋思

碧山丹房

春怨

寨兒令

憶別

殿前歡

春遊

湖上

清江引

碧山丹房早起

張子堅運判席上三首

小桃紅

湖上和劉時中

二首

朝天子

道院中碧桃

訪九臯使君

春思

紅繡鞋

題惠山寺

蔡行甫郊居

集慶方丈

沈醉東風

秋夜旅思

氣毬

瓊珠臺

慶東原

春日

迎仙客

春思

括山道中

落梅風

客金陵

春日宮詞

碧雲峯書堂

山坡羊

酒友

客高郵

金字經

春懷

梅邊

石門洞天

仙居

別懷

外集

太常引

姑蘇臺賞雪

湘妃怨

武夷山中

山中隱去

懷古

黃山道中

折桂回

錢塘卽事

紫微樓上右平章索賦

徽州路譙樓落成

湖上雪晴魯至道席間賦

贈胡存善

滿庭芳

春暮

題小小蓬萊

樊氏素雲

燕引雛

張氏玉卿

雪晴過揚子渡坐江風山月亭

桐江卽事

金字經

劉氏瑞蓮

觀泉

觀獵

天淨沙

荷邊宿鷺

懷古疏翁命賦

清江引

張子堅席上

湖上

春晚

凭闌人

衆遠樓上

白雲鍊師山居

天台山中

海□道院

霜角

花屏春曉

練溪晚渡

南山秋色

王陵夕照

水西烟雨

漁梁送客

黃山雪霽

紫陽書聲

上小樓

九日山中

茅山書事

湖上

春思 十五首

補集

小令

水仙子

樂閑

春情

凭闌人

江夜

落梅風

秋思

梧葉兒

次韻

金字經

樂閑

二首

春閨

上小樓

題釣臺

得勝令

失題

小梁州

失題

三首

金字經

失題

二首

失題
七首

失題

四首

錦橙梅

失題

齊天樂過紅衫兒

失題

套數

南呂一枝花

湖上晚歸

春景

夏景

秋景

冬景

中呂粉蝶兒

春暮有懷

仙呂點絳脣

翻歸去來辭

南呂一枝花

春怨

小山樂府目錄

小山樂府前集 今樂府

散曲叢刊第五種

元慶元張可久小山撰 江都任訥中敏編校

人月圓

山中書事

興亡千古繁華夢。詩眼倦天涯。孔林喬木。吳宮蔓草。
楚廟寒雅。數間茅舍。藏書萬卷。投老村家。山中何
事。松花釀酒。春水煎茶。黃鈔小令茅舍作茅屋。

秋日湖上

笙歌蘇小樓前路。楊柳尚青青。畫船來往。總相宜處。
濃淡陰晴。杖藜閑暇。孤墳梅影。半嶺松聲。老猿留
坐。白雲洞口。紅葉山亭。

春晚次韻

萋萋芳草春雲亂。愁在夕陽中。短亭別酒。平湖畫舫。

垂柳驕驄。一聲啼鳥。一番夜雨。一陣東風。桃花吹盡。佳人何在。門掩殘紅。

雪中遊虎丘

梅花渾似真真面。留我倚闌干。雪晴天氣。松腰玉瘦。泉眼冰寒。興亡遺恨。一丘黃土。千古青山。老僧同醉。殘碑休打。寶劍羞看。黃鈔小令一丘作一塚

會稽懷古

林深藏却雲門寺。回首若耶溪。苧蘿人去。蓬萊山在。老樹荒碑。神仙何處。燒丹傍井。試墨臨池。荷花十里。清風鑑水。明月天衣。

客垂虹

詞綜作客吳江

三高祠下。天如鏡。山色浸空濛。尊羹張翰。漁舟范蠡。茶竈龜蒙。故人何在。前程那里。心事誰同。黃花庭

院青燈夜雨。白髮秋風。

詞綜那里
作莫問

吳門懷古

山藏白虎雲藏寺。池上老梅枝。洞庭歸興。香柑紅樹。
鱸膾銀絲。白家池館。吳王花草。長似坡詩。可人憐
處。啼烏夜月。猶怨西施。詞綜白虎作金虎。又作白家
亭館。吳宮花草。可似當時。最
憐人處。

春日湖上

首二

東風西子湖邊路。白髮強尋春。儘教年少。金鞭俊影。
羅帕香塵。蹇驢破帽。荒池廢苑。流水閑雲。惱余歸
思。花前燕子。牆裏佳人。

小樓還被青山礙。隔斷楚天遙。昨宵入夢。那人如玉。
何處吹簫。門前朝暮。無情秋月。有信春潮。看看憔悴。
飛花心事。殘柳眉梢。黃鈔小令秋
月作秋水。

開吳淞江遇雪

太平樂府作
松江遇雪

一冬不見梅花面。天意可憐人。曉來如畫。殘枝綴粉。
老樹生春。山僧高臥。松爐細火。茅屋衡門。凍河堤
上。玉龍戰倒。百萬愁鱗。

寄瓊源芝田禪師

龍湫山上雲屯寺。別是一乾坤。檜參百丈。雪深半尺。
梅瘦三分。幾時親到。松邊弄水。月下敲門。相思無
奈。烟蘿洞口。立盡黃昏。

檜鈔本北曲聯
樂府原作僧

三衢道中有懷會稽

松風十里雲門路。破帽醉騎驢。小橋流水。殘梅剩雪。
清似西湖。而今杖履。青霞洞府。白髮樵夫。不如歸
去。香爐峯下。吾愛吾廬。

水仙子

西湖秋夜

今宵爭奈月明何。此地那堪秋意多。舟移萬頃冰田
破。白鷗還笑我。拚餘生詩酒消磨。雲母舟中飯。雪兒
湖上歌。老子婆娑。

鈔本原作雲子舟中飯。此從李
輯小令樂府羣玉又作舟中醉

吳山秋夜

山頭老樹起秋聲。沙觜殘潮蕩月明。倚闌不盡登臨
興。骨毛寒。環珮輕。桂香飄。兩袖風生。攜手乘鸞去。吹
簫作鳳鳴。回首江城。

次韻

蠅頭老子五千言。鶴背揚州十萬錢。白雲兩袖吟魂
健。賦莊生秋水篇。布袍寬。風月無邊。名不上瓊林殿。
夢不到金谷園。海上神仙。

鈔本此首原作吳山秋夜
之第二首。此從小令另列。

秋思

首二

天邊白雁寫寒雲。鏡裏青鸞瘦玉人。秋風昨夜愁成陣。思君不見君。緩歌獨自開樽。燈挑盡。酒半醺。如此

黃昏。

大成譜三句
秋風作西風

海風吹夢破衡茅。山月勾吟挂柳梢。百年風月供談笑。可憐人易老。老樂陶陶塵世飄飄。醉白酒眠牛背。對黃花持蟹螯。散誕逍遙。

此首李輯小令
亦題作次韻

鑑湖春行

清光湖面鏡新磨。樂意船頭酒既多。舟移楊柳陰中過。流鶯還笑我。可憐春事蹉跎。玉板筍銀絲鱸。紅衫兒金縷歌。不醉如何。

李輯小令
清光作晴光

西湖廢圃

李輯小令
湖作園

夕陽芳草廢歌臺。老樹寒雅靜御街。神仙環珮今何在。荒基生暮靄。嘆英雄白骨蒼苔。花已飄零去。山曾

富貴來。俯仰傷懷。

可侍郎奉使日南

樂府羣玉
可作何

波澄太液泛龍舟。簾捲披香出鳳樓。繡衣直指新除授。宮花淹御酒。玉花驄錦帶吳鉤。白雪關山暮。黃雲海樹秋。一弄詩愁。

鈔本北曲聯樂府原作一象詩
愁樂府羣玉同此從李輯小令

春晚

首三

繭黃舊紙試銀鈎。蟻綠新萵泛玉舟。龍香古餅熏金獸。薔薇小院幽。春光爲我遲留。東里尋芳去。西園秉燭遊。醉倚南樓。

西山暮雨暗蒼烟。南浦春風艤畫船。水流雲去人空戀。傷心思去年。可憐景物依然。海棠鷓鴣。岩花杜鵑。楊柳秋千。

相思詩句滿苔牆。合唱歌聲靜錦堂。合歡裙帶閒羅

帳無言倚繡床。怎生人不成雙。花間翡翠釵頭鳳。鳳
梅子鴛鴦。

元夜小集

停杯獻曲紫雲娘。走筆成章白面郎。移宮換羽青樓
上。招邀入醉鄉。綵雲深。燈月交光。琉璃界。笙歌鬧。水
晶宮。羅綺香。一曲霓裳。

湖上卽事

盈盈嬌步小金蓮。漱漱春波暖玉船。行行草字輕羅
扇。詩魂殢酒邊。水光花貌嬋娟。眉淡淡。初三月。手搵
搵第四絃。爲我留連。李輯小令殢酒作杯酒。

重過西湖

席間談笑欠嘉賓。湖上風流想季真。梅邊才思無何
遜。可憐孤負春。孤山誰弔逋魂。彩扇留新句。青樓非

故人兩袖紅塵。

李輯小令青樓作青衫樂府羣玉作綵扇寫新句

湖上

金鞭裊醉動花梢。翠袖揎香贈柳條。玉波流暖迎蘭棹。西湖春事好。相逢酒聖詩豪。醉墨灑龍香劑。新絃調鳳尾槽。草色裙腰。

春日郊行

藏雅新柳縷金衣。困蝶濃花織錦機。乘鸞仙子飛瓊珮。尋春攜手歸。吟詩馬上分題。蒼烟喬木。殘陽翠微。茅店疎籬。

青衣洞天

兔毫浮雪煮茶香。鶴羽攜風採藥忙。獸壺敲玉悲歌壯。蓬萊雲水鄉。羣仙容我疏狂。卽景詩千韻。飛空劍一雙。月滿秋江。

春思

山花紅雨鷓鴣啼。院柳蒼雲燕子飛。池萍綠水鴛鴦睡。春殘猶未歸。掩粧臺。懶畫蛾眉。繡牀人困。玉關夢回。錦字書遲。

紅指甲

玉纖彈淚血痕封。丹髓調酥鶴頂濃。金爐撥火香雲動。風流千萬種。捻胭脂。嬌暈重重。拂海棠梢頭露。按桃花扇底風。托香腮。數點殘紅。

折桂令

村養卽事

掩柴門。嘯傲烟霞。隱隱林巒。小小仙家。樓外白雲。窗
前翠竹。井底硃砂。五畝宅無人種。瓜一村庵有客分
茶。春色無多。開到薔薇落盡梨花。

李輯小令作
落盡梅花

崔閑齋元帥席上

繡簾開語燕呢喃。柳眼青嬌。杏臉紅酣。春日遲遲。春風淡淡。相府潭潭。環粉黛犀梳玉簪。引兒孫竹馬青衫。坐客江南。妙舞清歌。闕論高談。小令作闕論高談。又樂府羣玉及厲刻小令作香風淡淡。

九日

對青山強整烏紗。歸雁橫秋。倦客思家。翠袖殷勤。金杯錯落。玉手琵琶。人老去西風白髮。蝶愁來明日黃花。回首天涯。一抹斜陽。數點寒雅。

梅友元帥席間

拂冰絃慢撚輕攏。一種天姿。占斷芳叢。額點宮黃。眉橫晚翠。臉暈春紅。歌夜月琉璃酒鍾。隔香風翡翠簾櫳。殢殺吟翁。柳暗花濃。玉暖香融。樂府羣玉首句末作慢撚輕攏。

讀史有感

首二

劍空彈月下高歌。說到知音，自古無多。白髮蕭疎，青燈寂寞。老子婆娑。故紙上前賢坎坷。醉鄉中壯士磨跼。富貴由他。謾想廉頗。誰効蕭何。

鈔本北曲聯樂府與李輯小令樂府

羣玉俱作誰効常何此從陽春白雲黃鈔小令磨跼作蹉跞

滄浪可以濯纓。嘆千里波波。兩鬢星星。遁迹林泉。甘心畎畝。罷念功名。青門外芸瓜邵平。白雲邊垂釣嚴陵。潮落沙汀。月轉林坳。午醉方醒。

陽春白雲白雲作白天

秋夜閨思

剔殘燈數盡寒更。自別了鶯鶯。誰更卿卿。竹影疎櫺。蛩聲廢井。桂子閑庭。淹淚眼羞看畫屏。瘦人兒不似丹青。盼殺多情。遠信休憑。好夢難成。

贈歌者秀英

海棠嬌楊柳纖腰。眼轉秋波。臉暈春潮。檀板輕敲。冰絃初奏。綵扇低招。傾城傾國。越西子。梨梨棗棗。行雲行雨。楚巫娥。暮暮朝朝。橙剖并刀。酒捧金蕉。蕉爛醉東風。受用良宵。

疎齋學士自長沙歸

望仙華。十二芙蓉。夜醉長沙。曉過吳松。稅駕星壇。題詩玉井。挂劍琳宮。鶴唳黃雲。半空雁來紅葉。西風秋興誰同。絕唱仙童。相伴疎翁。

湖上懷古次疎齋學士韻

柳駝腰繫我詩。艇趁夜雪歸鴻。暮苑啼雅。綠樹秋千。青山鐘鼓。畫舫琵琶。銅雀臺邊。破瓦金魚池上。殘花誰見繁華。採藥仙翁。賣酒人家。

秋思

一珍做宋版印
菊花枝還爲誰黃。數盡歸期。過了重陽。錦字傳情。瓊簪留恨。繡枕遺香。夜月冷。金釵鳳凰。曉霜寒。翠被鴛鴦。想像高唐。縈損柔腸。夢見才郎。

春情

托香腮。微困春纖。繡線慵拈。寶篆羞添。往事牆頭。情人夢裏。舊恨眉尖。梨花謝。春光荏苒。曉鶯啼。酒病淹。漸。燕語雕簷。滿院楊花。不捲珠簾。

紅梅次疎齋學士韻

壽陽粧。何似環兒。快傳語。花神換却南枝。血點冰梢。丹塗玉臉。酒暈瓊姿。拚花下。何郎醉死。誤莊前。崔護題詩。倚樹多時。長笛聲中。萬點胭脂。

秋日海棠

沉香亭上。幽歡甚。陶令籬邊。月慘風酸。燕子來時。梧

桐老去。錦樹花攢。照銀燭春宵苦。短惜疎林秋夜漫。
漫樽俎團圓。破帽西風。華屋金盤。鈔本原作借疎林。此從樂府羣玉。

次韻秋懷

問山人索價何高。歲晚江空。興動書巢。古桂寒香。殘
蘆老絮。病葉紅綃。愁倦客嗚嗚洞簫。對西風戀戀絳
袍。往事徒勞。兩鬢秋霜。萬里雲濤。

西湖懷古

飛來何處奇峯。笑引吟翁。醉倒詩筒。古寺啼猿。晴山
舞鳳。廢井藏龍。人已去梅花舊塚。客重來柳樹西風。
一笑相逢。天竺門前。合瀾橋東。

王一山席上題壁

二首。李輯小令首曲作席間題壁。次曲作次韻仍

在山席一

掃詩愁滿壁。龍蛇壯氣憑陵。醉眼橫斜。脫帽臨風。停

杯問月。往事傷嗟。范蠡歸湖是也。子牙發跡遲些。笑殺豪傑。花謝還開。酒盡重賒。

醉厭厭。良夜迢迢。記席上樽前。酒令詩條。錦樹圍香。花燈奪晝。金屋藏嬌。碧水冷西施。弄瓢紫雲深。秦女吹簫。占得春饒。鶯怕歌喉。柳妒蠻腰。

李輯小令作
錦樹圍香

湖上卽事疊韻

錦江頭。一掬清愁。回首盟鷗。楊柳汀洲。俊友吳鈞。清秋楚岫。退叟齊丘。賦遠遊黃州。竹樓泛中流。翠袖蘭舟。檀口歌謳。玉手藏鬪。詩酒觥籌。邂逅綢繆。醉後相留。

李輯小令作
晴秋楚岫

桃花菊

怪黃花。厭我清貧。老圃秋容。丹臉偷勻。前度劉郎。東籬陶令。邂逅寒溫。延壽客。秋風酒樽。想佳人春日莊

門笑問東君。費盡金錢。占醉紅裙。

李輯小令作老圃羞容樂府羣玉作

費盡了金錢

鑑湖小集

寫黃庭換得白鵝。舊酒猶香。小玉能歌。命友南山。懷人北海。遯世東坡。昨日春今日秋。清閒在我。百年人。千年調。煩惱由他。樂事無多。良夜如何。去了朱顏。還再來麼。

酸齋學士席上

樂府羣玉酸齋作殿前

雁風吹裂江雲。迸一縷斜陽。照我離樽。倚徙西樓。留連北海。斷送東君。傳酒令金杯玉筍。傲詩壇羽扇。綸巾。驚起波神。喚醒梅魂。翠袖佳人。白雪陽春。樂府羣玉起處

作岸風又作倚遍西樓

石塘道中

層巖畫小小蓬瀛隨月去長空雁影喚秋來高樹蟬
聲客路飄零天宇澄清劍氣崢嶸

海棠

看佳人富貴天姿點染胭脂消得新詩笑倚紅粧輕
彈銀燭滿引金卮伴庭院黃昏燕子嘆風流天寶環
兒老過花時誰恨無香我愛垂絲樂府羣玉滿
引作滿斂

次韻

鈔本北曲聯樂府原作海棠
之第二首此依李韓小令

喚西施伴我西遊客路依依烟水悠悠翠樹啼鶻青
天旅雁白雪盟鷗人倚梨花病酒月明楊柳維舟試
上層樓綠滿江南紅褪春愁樂府羣玉紅
褪作海放

湖上卽事

倚高寒渺渺愁余昨夜南樓今日西湖柳影浮圖岩
阿杜宇酒病相如留客醉山花解舞寄離愁雲雁能

書笑倩誰扶。風動瑤箏。月滿冰壺。

鈔本原作風動瑤華。此從李輯小令。

元夜宴集

綠窗紗。銀燭梅花。有美人兮。不御鉛華。粧鏡羞鸞嬌。眉斂翠。巧髻盤雅。可喜娘春。纖過茶。風流煞。真字續麻。共飲流霞。月轉西樓。不記還家。

遊龍源寺

問行人何處龍源。古路縈蟠。細水蜿蜒。柳耳垂陰。花心困雨。樹頂摩天。借居士蒲團坐禪。對幽人松塵談玄。詩債留連。百巧黃鸝。一曲新蟬。

蓮華道中

洗黃塵照眼滄浪。古道依依。暮色蒼蒼。遠寺松篁。誰家桃李。舊日柴桑。紅袖倚低低院牆。白蓮開小小林塘。過客徜徉。題罷新詩。立盡斜陽。

滿庭芳

山中雜興

二首
首同題

鈔本原連下列次韻二
此從李輯小令分開

人生可憐。流光一瞬，華表千年。江山好處，追遊遍古
意翛然。琵琶恨青衫樂天。洞簫寒赤壁坡仙。村酒好
溪魚賤。芙蓉岸邊，醉上釣魚船。

風波幾場。急疎利鎖，頓解名韉。故園老樹，應無恙夢
遶滄浪。伴赤松歸歟子房。賦寒梅瘦却何郎。溪橋上
東風暗香。浮動月昏黃。

樂府新聲故
園作故園中

次韻

二首

尋思幾般。圍腰玉瘦，約腕金寬。怕春歸又是春將半。
信杳青鸞。賦離恨花牋短短。散清愁柳絮漫漫。闌干
畔。芳枝綠滿。梅子替心酸。

相思故人。釵分恨股。粉印嬌痕。數歸期屈得春纖困。

兩地消魂。樓外青山隱隱。花前紅雨紛紛。天涯近。回頭楚雲新月破黃昏。

野梅

風姿澹然。瓊酥點點。翠羽翩翩。羅浮舊日春風面。邂逅神仙。花自老。青山路邊。夢不到。白玉堂前。空嗟羨。傷心故園。何日是歸年。

望仙子詩卷

李輯小令
望作題

滄浪小龍。翩翩桂旗。隱隱蓮峯。歌塵隔斷蓬萊洞。此夜相逢。羽衣曲蟾華月宮。紫簫聲鶴背天風。遊仙夢。青山萬重。雲冷玉芙蓉。
李輯小令滄浪作滄波桂旗
作桂影又隔斷作斷隔厲刻

小令仍
作隔斷

湖上酸齋索賦

尋春底忙。金鞭弄影。翠袖藏香。綵箋詩滿西湖上。誤

入平康。到處鶯花醉鄉。當家風月排場。貪遊蕩。馬嘶
綠楊。占斷紫雲娘。

送別

二首

分飛斷腸。花箋寫恨。粉腕留香。臨行休倚危樓望。總
是淒涼。人去去。寒煙樹蒼馬蕭蕭。落日沙黃。牙床上。
相思夜長。翠被夢鴛鴦。

李韓小令作
翠被冷鴛鴦

愁春未醒。芳心可可。舊友卿卿。乍分飛。早是相思病。
幾度傷情。思往事。銀瓶墜井。賦離懷。象管呵冰。人孤
另。梅花月明。熬盡短檠燈。

湖上

逋仙舊塚。西施淡抹。坡老衰翁。香雲一枕繁華夢。流
水光中。暮靄鐘聲。故宮夕陽塔影高峯。桃源洞。花開
亂紅。無樹著春風。

過釣臺

窮通異鄉故人別後短棹滄浪相尋下榻雲霄上舊
日疎狂魂夢遠不知漢光脚頭睡只記劉郎山無恙
歸耕富陽千古占桐江

黃鈔小令魂
夢作夢魂

金華道中

首二

西風瘦馬遙天去雁落日昏雅數前程招得個歸藏
卦夢到山家柳下綸竿釣槎水邊籬落梅花漁樵話
從頭兒聽他白髮耐烏紗

陽春白雲去
雁作去鴻

營營苟苟紛紛擾擾莫莫休休厭紅塵拂斷歸山袖
明月扁舟留幾冊梅詩占手蓋三間茅屋遮頭還能
夠牧羊兒肯留相伴赤松遊

殘元本陽春白
雲拂斷作押斷

題情

朱門半掩花牋自檢繡線慵拈相思有債前生欠今

日新添彈舊曲徒勞玉纖遺春愁不離眉尖黃昏漸
青山一點新月挂冰蟾

客中九日

乾坤俯仰賢愚醉醒今古興亡劍花寒夜坐歸心壯
又是他鄉九日明朝酒香一年好景橙黃龍山上西
風樹響吹老鬢毛霜

李輯小令西風作秋風樂
府羣玉結處作鬢邊霜

普天樂

西湖卽事

蕊珠宮蓬萊洞青松影裏紅藕香中千機雲錦重一
片銀河凍縹緲佳人雙飛鳳紫簫寒月滿長空闌干
晚風菱歌上下漁火西東

鈔本北曲聯樂府原作漁
父西東此從李輯小令

贈別

鳳釵分鴛衾另輕輕別離小小前程花開渭水秋酒

盡陽關令。不管佳人愁成病。載琴書。畫舸無情。今宵月明。聲沉玉笙影。淡銀燈。

次韻歸去來

草堂空。柴門閉。放閒柳枝伴老山妻。誰傳紅錦詞。自說白雲偈。照下淵明休官例。和一篇歸去來。今瓜田後溪。梅泉下竺。菊圃東籬。樂府羣玉作瓜田後村

胡容齋使君席間

白頭新。黃花瘦。長天北斗。明月南樓。吹殘碧玉簫。淚滿青衫袖。喚起姮娥爲君壽。舞西風。桂子涼秋。百年故侯。千鍾美酒。一片閒愁。李輯小令姮娥作姮娥

秋懷

會真詩。相思債。花箋象管。鈿盒金釵。雁啼明月中。人在青山外。獨上危樓愁無奈。起西風。一片離懷。白衣

未來東籬好在黃菊先開。

湖上廢圃

古苔蒼。題痕舊。疏花照水。老葉沉溝。蜂黃點繡屏。蝶粉沾羅袖。困倚東風垂楊瘦。翠眉攢似帶。愁尋村問酒。無人倚樓。有樹維舟。李輯小令首句作占蒼苔。

晚歸湖上

翠藤枝。生綃扇。初三月上。第四橋邊。東坡舊賞心。西子新粧面。萬頃波光澄如練。不塵埃。便是神仙。誰家畫船。泠泠玉箏。渺渺哀絃。李輯小令作泠泠玉管。

鶴林觀夜坐

鶴歸來。雲飛去。仙山玉芝。秋水芙蓉。瑤臺挂月奩。寶瑟移冰柱。一架寒香娑羅樹。小闌干。花影扶疎。涼生院宇。人閑洞府。客至蓬壺。

寨兒令

道士王中山操琴

傍綠陰。解塵襟。婆娑小亭深。又深軫。玉徽金霞佩瓊簪。一操醉翁吟。野猿啼雪滿遙岑。玄鶴鳴風過喬林。休彈山水興。難洗利名心。尋何處有知音。鈔本北曲聯樂府原

作斛塵襟。此從李韓小令樂府羣玉作傍翠陰。又雪滿作遠水。

鑑湖卽事

枕綠莎。盼庭柯。門前鑑湖春始波。白髮禪和墨本東坡。相伴住山阿。問太平風景如何。嘆貞元朝士無多。追陪新令尹。邂逅老宮娥。歌驟雨打新荷。

次韻懷古

寫舊遊。換新愁。玉簫寒酒醒江上樓。黃鶴磯頭白鷺汀洲。烟水共悠悠。人何在七國春秋。浪淘盡千古風

流隋堤猶翠柳。漢土自鴻溝。休來往愧沙鷗。

李輯小令千古

作萬古

山中分韻得聲字

犯帝星。動山靈。怪當年釣魚嚴子陵。塵世逃名。清水濯纓。笑我問長生。駕青牛自取丹經。換白鵝誰寫黃庭。烟籠燒藥火。月伴看書燈。聽林外起秋聲。

西湖秋夜

九里松。二高峯。破白雲一聲烟寺鐘。花外嘶驄。柳下吟蓬。笑語散西東。舉頭夜色濛濛。賞心歸興匆匆。青山啣好月。丹桂吐香風。中人在廣寒宮。

湖上春晚

怕酒樽。帶詩魂。怕羅輕粉香揉淚痕。細雨紛紛。綠水粼粼。湖上馬蹄塵。世間有萬古青春。花前換幾度遊

人醉煞劉伯倫。瘦損沈休文。紅杏村。杜宇怨黃昏。

鑑湖上尋梅

賀監宅。放翁齋。梅花老夫親自栽。路近蓬萊。地遠塵埃。清事惱幽懷。雪模糊。小樹莓苔。月朦朧。近水樓臺。竹籬邊。沽酒去。驢背上。載詩來。猜昨夜一枝開。

春曉

點落英。掩閑庭。海棠軒半簾紅日影。纖手瓊瓊。嬌語鶯鶯。睡起對銀箏。柳花牋。閑寫芳情。荔枝漿微破春醪。淺斟白玉杯。低唱紫雲亭。輕彈一曲賣花聲。

憶鑑湖

畫鼓鳴。紫簫聲。記年年賀家湖上景。競渡人爭。載酒船行。羅綺越王城。風風雨雨清明。鶯鶯燕燕關情。柳擎和淚眼。花墜斷腸英。望海亭。何處越山青。

舟行感興

愁鬢斑。怕春殘。錦衣買臣何日還。好夢邯鄲。別淚陽關。幾度盼征鞍。爲虛名消盡朱顏。掩孤篷。羞見青山。磯頭烟樹暖。鷗外野雲閑。難能釣魚竿。

春思

二首

鈔本北曲聯樂府原連下列次韻一首作三首此從李輯小令分開

曲未終。酒方濃。雲收楚臺十二峯。洗雨梳風。怨玉啼紅。別意恨匆匆。話相思。鸚鵡金籠。載離愁。騷裏花驄。長天秋水遠。落日暮山重。空簾捲畫堂中。

喜又驚。笑相迎。倚湖山露華羅袖冷。誰慣私行。怕負深盟。偷步錦香亭。尋尋覓覓風聲。潛潛等等芳情。粉牆邊花弄影。朱簾下月籠明。輕吹滅短檠燈。

次韻

你見麼。我愁他。青門幾年不種瓜。世味嚼蠟。塵事搏

一珍做宋版印
沙聚散樹頭雅。自休官清煞陶家。爲調羹俗了梅花。
飲一杯金谷酒。分七椀玉川茶。嗟不強如坐三日縣
官衙。

題昭君出塞圖

辭鳳閣。盼灤河。別離此情將奈何。羽蓋峨峨。虎皮馱
馱。雁遠暮雲闊。建旌旗。五百沙陀。送琵琶。三兩宮娥。
翠車前白橐駝。雕籠內錦鸚哥。他強似馬嵬坡。

小隱

種藥田。小壺天。伴陳搏野雲閑處眠。學會神仙。老向
林泉。今日是歸年。蘆花絮暖勝絨氈。木香亭大似漁
船。曲欄邊鶯現。院小池上鷺嬋娟。先收拾下買山錢。

樂府羣玉作伴陳
搏野雲深處眠

湖上避暑

新雨晴。晚涼生。照芙蓉。玉壺秋水冷。帶酒餘醒。題扇才情。避暑小紅亭。雁雲低。銀甲彈箏。蔗漿寒素手。調冰鴛鴦情未減。蝴蝶夢初醒。驚何處。棹歌聲。

三月三日書所見

艤畫船。駐絲鞭。問誰家。麗人簇管絃。柳媚芳妍。花比嬋娟。風韻出天然。牡丹亭畔秋千。藥珠宮裏神仙。三月三日曲水邊。一步一朶小金蓮。穿芳徑。墜花鈿。

春思

想故人。暗銷魂。闌干舊時無限春。笑語云云。圖畫真真。一朶楚臺雲。怪桃根翠袖羅裙。伴梅花檀板金樽。瘦驚腰四指。愁墮淚雙痕。嗔風雨送黃昏。

紅葉

遠樹重。曉霜濃。染千林。夜來何處風。笑我衰翁。酒借

春容暮景嘆匆匆。錦模糊。費盡天工。字殷勤。流出皇宮。蕭蕭秋雨後。片片夕陽中。空留得。繡芙蓉。

送別

鸞鏡單。鳳簫閑。褰衣問君何日還。白玉連環。斑竹闌干。回首淚偷彈。翠模糊。十二巫山。玉娉婷。一曲陽關。芙蓉城。殘月落楊柳岸。曉風寒。越愁上寶雕鞍。

殿前歡

秋日湖上

倚吟篷。障西風。十里錦芙蓉。照滄浪。似入桃源洞。欠箇漁翁。水泉瀉翠筍。玉液浮銀甕。羅袖擎金鳳。團香弄粉。泛綠依紅。

次酸齋韻

首二

釣魚臺。十年不上野鷗猜。白雲來往青山在。對酒開

懷欠伊周濟世才。犯劉阮貪杯戒。還李杜吟詩債。酸齋笑我。我笑酸齋。

喚歸來。西湖山上野猿哀。二十年多少風流怪。花落
花開。望雲霄拜將臺。袖星斗安邦策。破烟月迷魂寨。
酸齋笑我。我笑酸齋。

離思

首二

夜啼烏。柳枝和月翠扶疎。繡鞋香染莓苔露。搔首踟
躕。燈殘瘦影孤。花落流年度。春去佳期誤。離鸞有恨。
過雁無書。

月籠沙。十年心事付琵琶。相思懶看幃屏畫。人在天
涯。春殘荳蔻花。情寄鴛鴦帕。香冷茶蘼架。舊遊臺榭。
曉夢窗紗。

西湖晚晴

總宜船。綠情紅意，雨餘天。盈盈皓月明如練，棹舉冰田。神仙太乙蓮。圖畫崔徽面。才思班姬扇。新詩象管，古調冰絃。

客中

二首
李輯小
令作客中憶別

望長安。前程渺渺，鬢斑斑。南來北往隨征雁，行路艱難。青泥小劍關。紅葉溢江岸。白草連雲棧。功名半紙，風雪千山。

錦纏頭。粉箏低按，舞涼州。佳人一去春殘後，香冷雲兜。晴山翠黛愁。綠水羅裙皺。細柳宮腰瘦。梨花暮雨，燕子空樓。

清江引

秋思

自從玉關人去也。寂寞銀屏夜。風寒白藕花。露冷青

桐葉雁兒未來書再寫。

樂府羣玉作風香白藕花。

幽居

紅塵是非不到我。茅屋秋風破。山村小過活。老硯閒工課。疏籬外玉梅三四朶。

北詞廣正譜及厲刻小令末句無疏字。

桐柏山中

鈔本北曲聯樂府原作洞泊山中。勞氏校注作宿泊山洞。李輯小令。

作宿山洞此從樂府羣玉。

松風小樓香縹緲。一曲尋仙操。秋風玉兔寒。野樹金猿嘯。白雲半天山月小。

湖山避暑

好山盡將圖畫寫。詩會白雲社。桃笙捲浪花。茶乳翻冰葉。荷香月明人散也。

春思

二首

杜鵑幾聲烟樹暖。風雨相攢斷。梨花月未圓。柳絮將

春半夜長可憐歸夢短。

繡針懶拈閒素手。倦枕金釵溜。鶯啼綠柳春。燕舞紅
簾晝。東風院落人病酒。

陽春白雪鶯啼作鶯呼
李輯小令院落作幾番

九日湖上

西風又吹湖上柳。晝舫攜紅袖。鷗眠野水閒。蝶舞秋
花瘦。風流醉翁不在酒。

山居春枕

李輯小令作
山中春睡

門前好山雲占了。盡日無人到。松風響翠濤。榭葉燒
丹竈。先生醉眠春自老。

春晚

首二

黃昏閉門誰笑語。燕子飛不去。珠簾濺雨花。翠塢埋
烟樹。酒醒五更聞杜宇。

離愁困人簾未捲。上下飛雙燕。孤雲帶雨痕。暗水流

花片湖邊日長春去遠。

太平樂府此首作湖上。

湖上晚望

東西往來船鬪蟻。拍手胡姬醉。歌聲落照邊。塔影孤雲際。荷風夜涼天似水。

秋懷

此首太平樂府與前列之秋思一首相聯。

西風信來家萬里。問我歸期未。雁啼紅葉天。人醉黃花地。芭蕉雨聲秋夢裏。

小桃紅

寄鑑湖諸友

一城秋雨豆花涼。閒倚平山望。不似年時鑑湖上。錦雲香。採蓮人語荷花蕩。西風雁行。清溪漁唱。吹恨入滄浪。

陽春白雪一城作一陣。

贈琵琶妓王氏

舞腰回雪臉舒霞。席上人如畫。壓柳欺梅舊聲價。弄琵琶。風流不似明妃嫁。金樽翠學。玉纖羅帕。同醉鳳城花。

憶疎齋學士郊行

飛梅和雪灑林梢。花落春顛倒。驢背敲詩暮寒峭。路迢迢。相逢不滿疎翁笑。寒郊瘦島。塵衣風帽。詩在灞陵橋。

春思

倚闌花影背東風。暗解清宵夢。舞扇歌衫與誰共。恨忡忡。一春愁壓眉山重。燈花玉蟲。羅屏金鳳。殘月小簾櫳。

鑑湖夜泊

鑑湖一曲水雲寬。鴛錦秋成段。醉舞花間影零亂。夜

漫漫小舟只向西林喚。仙山夢短。長天月滿。玉女駕

青鸞。

陽春白雲仙
山作仙人。

離情

幾場秋雨老黃花。不管離人怕。一曲哀絃淚雙下。放
琵琶。挑燈羞看圍屏畫。聲悲玉馬。愁新羅帕。恨不到
天涯。

山中

一方明月杏花壇。劍氣霞光爛。回首蓬萊自長嘆。佩
秋蘭。黃精已夠山中飯。勞心又懶。干名不慣。歸伴野
雲閒。

夜宴

二首

研金羅扇當花牋。醉草湘妃怨。曲曲闌干錦屏面。小
壺天。花花按舞六么遍。寒玉響泉。香風深院。明月十

三絃。

翩翩白鷺伴詩癡。船繫青山暮。一曲瑤箏寫幽素。夜何如。飛吟亭上神仙路。瓊樓玉宇。白雲紅樹。月冷洞庭湖。

朝天子

山中雜書

三首

罷手去休。已落在淵明後。百年心事付沙鷗。更誰是忘機友。洞口漁舟。橋邊村酒。這清閒何處有。樹頭錦鳩。花外啼春晝。

夜長未央。盼殺雞三唱。東華聽漏滿靴霜。却笑淵明強。月朗禪牀。風清鶴帳。夢不到名利場。草堂暗香。春已到梅梢上。

李輯小令作風消鶴帳又作春到梅梢上厲刻小令未句同此本。

醉餘草書。李愿盤谷序。青山一片范寬圖。怪我來何

暮鶴骨清癯。蝸殼蘧蘧。得安閒心自足。蹇驢酒壺。風雪梅花路。

樂府羣玉作和酒壺

野景亭

瓜田邵平。草堂杜陵。五柳莊彭澤令。牽牛籬落。掩柴荆。犬吠林塘靜。樹頂蟾明。水面風生。聽漁歌三四聲。小亭野景。動著我尊鱸興。

李輯小令動著我作動老我羣玉作老我尊驢興

酸齋席上聽胡琴

玉鞭翠鈿。記馬上昭君面。一梭銀線。解冰泉。碎拆驪珠串。雁舞秋煙。鶯啼春院。傷心塞草邊。醉仙綵箋寫。萬里關山怨。

黃鈔小令碎拆作碎沃

春思

見他問咱。怎忘了當初話。東風殘夢小窗紗。月冷秋千架。自把琵琶。燈前彈罷。春深不到家。五花駿馬。何

處垂楊下。

梅友元帥席上

老夫病餘尚草長門賦。阿蓮嬌吻貫驪珠。試聽鶯啼序。玉露冰壺香風瓊樹。醉歸來不用扶。小奴按舞看了梅花去。

紅繡鞋

次韻

劍擊西風鬼嘯。琴彈夜月猿號。半醉淵明可人招。南來山隱隱。東去浪淘淘。浙江歸路杳。樂府羣玉西風作秋風

春日湖上

二首

百五日清明節假。兩三攢綠暗人家。客子飄零尚天涯。春風輕柳絮。夜雨瘦梨花。綠楊陰誰繫馬。

綠樹當門酒肆。紅粧映水鬟兒。眼底殷勤座間詩。塵

埃三五字。楊柳萬千絲。記年時曾到此。

春夜

燕子來時酒病。牡丹開處詩情。庭院黃昏雨初晴。鏡
心閒挂月。箏手碎彈冰。尊前春夜永。

李韓小令尊
前作花前

湖上

無是無非心事。不寒不暖花時。粧點西湖似西施。控
青絲玉面馬。歌金縷粉團兒。信人生行樂耳。

聖水寺山亭

佛國清涼境界。壺天金碧樓臺。照眼西山畫屏開。海
雲推月上。江水帶潮來。醉嫌天地窄。

越山卽事

山擁玉皇香案。烟籠翠羽仙鬟。兩袖天風倚高寒。鶴
歸蒼樹杪。犬吠白雲間。蓬萊迷望眼。

樂府羣玉翠
羽作翠袖

天台瀑布寺

絕頂峯攢雪劍。懸崖水挂冰簾。倚樹哀猿弄雲尖。血
華啼杜宇。陰洞吼飛廉。比人心山未險。

鈔本北曲聯
樂府弄字原

闕此從樂
府羣玉補

次歸去來韻

東舍西鄰酒債。春花秋月詩才。兩字功名困塵埃。青
山依舊好。黃菊近新栽。沒商量歸去來。

洞庭道中

首二

白鷺荒隄老葑。黃雲遠水長空。百尺蒲帆飽西風。酒
旗花影裏。釣艇樹陰中。好山千萬重。

李韓小令作黃
雲遠樹連空百

尺蒲帆
蕩秋風

逐名利長安日下。望鄉關倦客天涯。孤雁南來倍思
家。亂山雲掩翠。老樹雪生花。凍吟詩騎瘦馬。

天台桐柏山中

談世事漁樵閒問。洗征塵麋鹿相親。步入蓬萊誤尋
真竹聲搖翠雨。山影護蒼雲。神仙深處隱。

李輯小令
蒼作白

雪芳亭

金錯落樽前酒。令玉娉婷樂府新聲。夜深花睡嫩寒
生。一圍雲錦樹。四面雪芳亭。月斜時人未醒。

李輯小
令花睡

作花
底

春晚

樂府羣玉
作春寒

圓舊夢衾閒錦繡。按新聲絃斷篴篥。滿襟離思倦登
樓。花寒鸚鵡病。春去杜鵑愁。倚闌人困酒。

歲暮

首二

金蓮步蒼苔小徑。玉鉤垂翠竹閒亭。物換星移暗傷
情。遊魚翻凍影。啼鳥泛春聲。落梅香暮景。

競酒爭花公事吟。風弄月神思。好春能有幾何時。玲瓏心似錦。積漸鬢成絲。落一張閒故紙。樂府羣玉積漸作卽漸。

山中

黃葉青烟丹竈。曲闌明月詩巢。綠波亭下小紅橋。老梅盤鶴膝。新柳舞蠻腰。嫩茶舒鳳爪。

鑑湖

落葉山容消瘦。題詩人物風流。一片閒雲駐行舟。月寒清鏡曉。花淡碧壺秋。謫仙同載酒。

三衢道中

白酒黃柑山郡。短衣瘦馬詩人。袖手觀棊度青春。仙橋藏老樹。石筍瘞蒼雲。松花飄瑞粉。

沉醉東風

釣臺

貂裘做誰憐。倦客錦箋寒。難寫秋懷。野水邊。閒雲外。
儘教他鷗鷺驚猜。溪上良田得數頃來也。敢上嚴陵
釣臺。李輯小令也。敢作也。趕。

湖上

垂楊柳無人自舞。提葫蘆有意相呼。酒醒時。花深處。
插花枝滿頭歸去。莫惜千金倒玉壺。春已近。梨花暮
雨。

元夜

明月無心紫簫。夕陽何處藍橋。蕙帳寒。梅花落。故人
稀。漸疏談笑。看見鵝黃上柳條。等閒放元宵過了。鈔本
北曲聯樂府原作闕放了。元過宵了。此從黃鈔小令。

幽居首二

脚到處青山綠水。興來時白酒黃雞。遠是非。絕名利。

腹便便午窗酣睡。鸚鵡杯中晝日遲。到強似麒麟畫

裏。

李韓小令末句到作到。

笑白髮猶纏利鎖。喜紅塵不到漁蓑。入韻詩三閨此。收拾下晚春工課。茅舍疏籬小過活。有情分沙鷗伴我。

天淨沙

書懷

首二

香奩名滿青樓。羽衣人在黃州。羅帕春寒素手。壯懷

依舊。水聲淘盡詩愁。

黃鈔小令春寒作輕寒。

白頭多病維摩。青天孤影姮娥。相對良宵幾何。玉人留坐。鶯花十二行窩。

元夕

金蓮萬炬花開。玉梅千樹香來。燈市東風暮靄。綵雲

天外紫綃人倚瑤臺

李輯小令紫綃作素綃陽春白雪作紫簫

閨怨

檀郎何處忘歸。玉樓小樣別離。十二闌干徧倚。犬兒空吠。看看月上茶蘼。

春夜

深杯香捧金橙。哀絃聲斷銀箏。寶鼎沉香火冷。主人留聽。紫雲娘白雪新聲。

梅軒席上

厲刻小令作梅友席上

瓊瓊竹外橫枝。真真月下吟詩。誰寄東風半紙。爲傳心事。梅花害雪多時。

梅友元帥席上

玉人笑撚瓊枝。白頭醉寫烏絲。簾外新來燕子。海棠春思。倚闌睡醒環兒。

赤松道宮

松邊香煑雷芽。杯中飯糝胡麻。雲掩山房幾家。弟兄
仙話。水流玉洞桃花。

浮雪樓夜坐

月明今夜闌干。雲深何處關山。萬里青天醉眼。倚樓
長歎。柳陰閒殺漁竿。

清明日郊行

碧桃花下簾旌。綠楊影裏旗亭。幾處鶯呼燕請。馬嘶
芳徑。典衣索做清明。

江上

唼唼落雁平沙。依依孤鶩殘霞。隔水疏林幾家。小舟
如畫。漁歌唱入蘆花。

湖上分得詩字韻

月香水影梅枝晴光雨色坡。詩點檢千紅萬紫年年春事。西湖強似西施。

月夜

倚闌月到天心。隔牆風動花陰。一刻良宵萬金。金寶箏閒枕。可憐少箇知音。

魯卿庵中

青苔古木蕭蕭。蒼雲秋水迢迢。紅葉山齋小小。有誰曾到。探梅人過溪橋。

慶東原

次馬致遠先輩韻九篇

九首

燒丹竈。洗藥瓢。樂清閒幾箇人知道。閒吹鳳簫。悶拈兔毫。焉用牛刀。他得志笑閒人。他失脚閒人笑。

明人傳本

次句無樂字。五六二句作愁消鸞翼。書忘雁遙。

門長閉。客任敲。山童不喚陳搏覺。袖中六韜鬢邊二毛。家裏箆瓢。他得志笑閒人。他失脚閒人笑。

殺三士。因二桃。不如五柳莊前傲。文魔賈島詩窮孟郊。酒困山濤。他得志笑閒人。他失脚閒人笑。

繁華夢。貧賤交。唐堯不改巢由調。紛紛紫袍區區綠袍。戀戀緜袍。他得志笑閒人。他失脚閒人笑。明人傳本三句

作齊梁不改林泉調

詩情放。劍氣豪。英雄不把窮通較。江中斬蛟雲間射雕。席上揮毫。他得志笑閒人。他失脚閒人笑。前本作閑情放

壯氣豪席上句作塞外舞刀

難開眼。嬾折腰。白雲不應蒲輪召。解組漢朝尋詩灞橋。策杖臨臯。他得志笑閒人。他失脚閒人笑。李輯小令作解

緩漢朝明人傳本五六兩句作策蹇灞橋攜杖臨臯

依山洞結草茅。清風兩袖長舒。嘯問江邊老樵。訪山中故交。伴雲外孤鶴。他得志笑閒人。他失脚閒人笑。
草茅陽春白雪太和正音譜九宮大成譜作把茅失脚諸譜作他失志明人傳本四五六句作江邊問樵山中訪交野外聽鶉

蒼頭哨。驄馬驕。放轡頭也。只到長安道。說家門儘教。

守蠶鹽慢熬。請荆布休焦。他得志笑閒人。他失脚閒

人笑。

明人傳本次句以下作銜轡只到長安道家門儘教蠶鹽慢熬荆花休焦

山容瘦。木葉凋。對西窗盡是詩材料。蒼烟樹杪殘雪

柳條。紅日花梢。他得志笑閒人。他失脚閒人笑。

明人傳本

次句作西風要算風光好

越山卽事

二首

庭前樹籬下菊。老漁樵相伴閒鷗鷺。聽道士步虛教稚子讀書。引吟客攜壺借賀老鑑湖船。訪謝傅東山

去。

雲輕散。月易殘。女蕭何成敗了。些風流漢。馮魁硬鏟。

雙生緊趕。小姐先赴。今夜惜花心。明日傷春嘆。按次首與

前首不類。太平樂府作題情。屬劉時中。李輯小令同此。亦作越山。即事二曲。姑從之。

醉太平

春情

烏雲髻鬆。金鳳釵橫。伯勞飛燕自西東。惱離愁萬種。
碧溶溶滿溪綠。水桃源洞。淡濛濛半窗白。月梨花夢。
恨匆匆。一簾紅雨杏花風。把青春斷送。

席上有贈

風流地仙。體態天然。畫圖誰敢鬪嬋娟。相逢酒邊當
樓皓月。姮娥面。倚闌翠袖琵琶怨。滿林紅葉鷓鴣天。
惜花人未眠。

懷古

翩翩野舟。汎汎沙鷗。登臨不盡古今愁。白雲去留。鳳
凰臺上青山舊。秋千牆裏垂楊瘦。琵琶亭畔野花秋。
長江自流。厲刻小令作
長江空自流。

迎仙客

感舊

鸚鵡洲。鳳凰樓。十年故人懷舊遊。杜陵花。陶令酒。酒
病花愁。不覺的。今春瘦。

湖上送別

釣錦鱗。棹紅雲。西湖畫船二月春。正思家。還送人。綠
滿前村。烟雨江南恨。

春日湖上

二首

雨亦奇。錦成圍。笙歌滿城鶯燕飛。紫霞杯。金縷衣。倒

著接籬湖上山翁醉

舞絳紗扣紅牙耳邊玉人催上馬雪兒歌蘇小家月
淡梨花醉倚秋千架

春晚

看牡丹倚闌干宿酒乍醒欹髻鬟燕初忙鶯正懶簾
捲輕寒玉手調箏雁

秋夜

雨乍晴月籠明秋香院落砧杵鳴二三更千萬聲擣
碎離情不管愁人聽

黃桂

近玉階映瑤臺婆娑小叢巖畔栽雁初飛花正開金
粟如來望月佳人拜

凭闌人

湖上二首

遠水晴天明落霞。古岸漁村橫釣槎。翠帘沾酒家。畫橋吹柳花。

二客同遊過虎溪。一徑無塵穿翠微。寸心流水知小窗明月歸。

春夜

燈下愁春愁未醒。枕上吟詩吟未成。杏花殘月明。竹根流水聲。

春思

三首

鶯羽金衣舒晚風。燕嘴香泥沾亂紅。翠簾花影重。玉人春睡濃。

春柳長亭傾酒罇。秋菊東籬灑淚痕。思君不見君倚門空閉門。

簾外輕寒歸燕忙。橋下殘紅流水香。遊人窺粉牆。玉
驄嘶綠楊。

落梅風

天寶補遺

姮娥面。天寶年。鬧漁陽鼓聲一片。馬嵬坡襪兒得了
看錢。太真妃死而無怨。

西湖

湖光靜。山影孤。載斜陽小舟橫渡。正花開玉梅千萬
株。鶴飛來老逋歸與。李輯小令
作歸去。

冷泉亭小集

彈初罷。酒暫歇。醉詩人滿山紅葉。問山中許由何處
也。老猿啼冷泉秋月。

春日湖上

擔春勝。問酒家。綠楊陰列仙圖畫。下秋千玉容強似
花。汗溶溶。借人羅帕。

春晚次韻

首二

鶯鶯恨。燕燕愁。惜春歸。玉容添瘦。東君可。人人病酒。
怯東風。海棠紅皺。

金樽盡。玉漏遲。月明天柳陰無地。杜鵑怕。將愁喚起。
困東風。夜深花睡。

蠟梅花

學宮樣。改玉容。列金釵。主人情重。撼疏林。夜來窗外
風。蜜蜂兒帶香吹凍。

寒夜

寒齋靜。瑞雪多。多凍吟詩起來孤坐。蘆花絮。衾江紙也
似薄。問袁安。怎生高臥。

題扇面小景

人何處。不寄書。一聲聲雁將秋去。月明中倚闌情正苦。玉波寒粉蓮啼露。

湖上

羽扇塵埃外。杖藜圖畫間。野人來海鷗驚散。四十年繞湖賒看山。買山錢更教誰辦。

越城春雪

朱簾上。皓齒歌。柳梢青野梅開過。倚闌干醉眸天地闊。雪山寒玉龍高臥。

離情

人孤另。愁萬結。南樓上雁聲拖拽。別離有情無處寫。洞簫寒滿天明月。

江上寄越中諸友

江村路。水墨圖。不知名。野花無數。離愁滿懷。難寄書。付殘潮。落紅流去。

春情

秋千院。拜掃天。柳陰中。躲鶯藏燕。掩霜紈。遞將詩半篇。怕簾外。賣花人見。李韜小令簾外作簾前

一半兒

寄情二首

寄情虛把彩牋絨。排砌偷將底句攙。隔簾怪他嬌眼饒。話兒嘓。一半兒佯羞。一半兒敢。

臂銷閒把玉纖搯。髻袒慵拈金鳳插。粉淡偷臨青鏡搽。劣冤家。一半兒真情。一半兒假。李韜小令髻袒作鬢髯

落花

酒邊紅樹碎珊瑚。樓下名姬墜綠珠。枝上翠陰啼鷓鴣。

一珍做宋版印
鵝謾嗟吁。一半兒因風。一半兒雨。

酒醒

羅衣香滲酒初闌。錦帳烟消月又殘。翠被夢回人正寒。喚蠻蠻。一半兒依隨。一半兒懶。

山坡羊

春日

二首

芙蓉春帳。葡萄新釀。一聲金縷尊前唱。錦生香。翠成行。醒來猶問春無恙。花邊醉來能幾場。粧黃四娘狂。白侍郎。

西湖沉醉。東風得意。玉驄驟響黃金轡。賞春歸。看花回。寶香已暖鴛鴦被。被夢繞綠窗初睡起。痴人未知噫。春去矣。

殘元本陽春
白雪痴作疾

雪夜

扁舟乘興讀書相映。不如高臥柴門靜。唾壺冰。短檠
燈。隔窗孤月懸秋鏡。長笛不知何處聲。驚人睡醒清。
梅弄影。

別懷

梨花都謝。春衫初卸。綠陰空鎖閒臺榭。遠山疊暮雲
遮。青青楊柳連官舍。此景此情難棄捨。車且慢些。別
人去也。殘元本陽春
雪官舍作客舍。

梧葉兒

春日郊行

長空雁老樹雅。離思滿烟沙。墨淡淡王維畫。柳疏疏
陶令家。春脈脈武陵花。何處遊人駐馬。雍熙樂府作
長空一行雁。

老樹幾對雅情思滿烟沙淡淡王維畫疏
陶令家脈脈武陵花何處遊人駐馬

探梅卽事

詩囊寄酒旆。招春事動梅梢。小舫攜紅袖。阿瓊橫玉簫。太白解金貂。雪滿長安灞橋。雍熙樂府小舫作小艇

鑑湖宴集

柳影迷歌扇。苔痕滿釣磯。仙客領蛾眉。背寫蘭亭字。熟讀秦望碑。懶對謝安基。人醉在紅香鏡裏。

尋梅

提清事。放客懷。殘雪小樓臺。郊外尋花去。湖東載酒來。馬上見梅開。不負責霞倦客。雍熙樂府作提情事。又郊外作野外。末四

字作青雲。僊客。

感舊

肘後黃金印。尊前白玉卮。躍馬少年時。巧手穿楊葉。新聲付柳枝。信筆和梅詩。誰換却何郎鬢絲。

夜坐

湖山外楊柳邊。歌舞鏡中天。雲驪橫珠鳳。花寒怯繡

鴛。露冷濕金蟬。愛月佳人未眠。鈔本北曲聯樂府與李輯小令皆作雲驪

橫珠鳳此從雍熙樂府

雍熙樂府有梧葉兒四首其首曲柳嫩花嬌春意濃香風拂拂滿清宮鑽窗日上綠陰重淡朦朧銀

鴨香薰和氣中絕非梧葉兒也其三曲即此湖山外一首四曲爲後列花垂露一首其次曲云花湖外

銜泥燕林間喚雨鳩好鳥叫鴝鶒芳草迎階綠嬌花出盤幽醉盈眸爭奈花光去走此詞末二句尚

有外誤亦不似小山作且未具名

席上有贈

芙蓉面楊柳腰。無物比妖嬈。粉紙鴛鴦字。花鈿翡翠毛。繡閣鳳凰巢。良夜永春風玉簫。

夜坐卽事

餘韻悠揚唱哀絃。取次彈燈上酒將殘。花暗珠瓔珞。風清玉珮環。月冷翠琅玕。誰倚西樓畫闌。

靈隱寺

僧居勝俗客稀。山色四週迴。香樹生金地。青蓮出寶池。貝葉漬銀泥。明月冷雙猿弄水。

卽事

竹檻敲蒼玉。蕉窗映綠紗。笑語間琵琶。月淡婆婆樹。風香富貴花。俏人家。小小仙鬟過茶。

雍熙樂府作蕉窗掩綠紗。又作

月淡婆婆樹。黃鈔小令笑語作吳語。

雍熙樂府有述樂四首。不具名。首曲卽後列。泝月蘭舟便一首。次曲卽此竹檻敲蒼玉一首。四曲卽前列。長空雁一首。其三曲云散慮酒數杯。陶情詩幾篇。詩酒且留連。皁皁平安日。熙熙自在天。忙裏且偷閒。休負青春少年。

山陰道中

丹井長松樹。青山小洞庭。吟嘯寄幽情。花外神仙路。天邊處士星。月下醉翁亭。聽一曲何人玉箏。

湖上晚興

頻頻醉浩浩。歌明月湧滄波。岸草嘶驄馬。山花壓翠螺。雪柳開銀蛾。燈下佳人看我。

金字經

稽山春晚

若耶溪邊路。四山環翠微。春去人間總不知。鶯亂啼。滿川烟樹迷。先生醉。葛洪丹井西。黃鈔小令若耶溪作芍藥溪

春晚

惜花人何處。落紅春又殘。倚遍危樓十二闌。彈淚痕。羅袖斑。江南岸。夕陽山外山。雍熙樂府作淚痕羅帕斑

醒吟齋

老翁獨醒處。半雲高臥齋。雨過松根長嫩苔。栽菊花。依舊開。青山怪。白雲歸去來。李輯小令半雲作伴雲白雲作白頭黃鈔小令

嫩苔作
綠苔

偕王公實尋梅

浩然英雄氣。塞乎天地間。破帽西風雪。滿山頭。探梅
千百番。家童懶灑橋驢背。寒

秋望

二首

楊柳沙頭樹。琵琶江上舟。雁去衡陽水自流。愁玉人
休倚樓。黃花瘦。曉霜紅葉秋。

信遠江南雁。望窮雲外山。羅帕香殘粉淚乾。閒倚遍
十二闌。黃花慢。桂香秋雨寒。
雍熙樂府作望空雲
外山又作黃花慢

雪夜

犬吠村居靜。鶴眠詩夢清。老樹冰花結水精。月臨
不夜城。扁舟興。小窗何處燈。

金華道中

竹暖鶴梳翅。樹香鹿養茸。好景神仙圖畫中。通好山
無數重。桃源洞。綠波隨落紅。

佛會二首

水月觀音相。海雲獅子牀。講下飛花古樹蒼。涼紫檀
小殿香。天仙降。對騎金鳳凰。
舞月獅王喜。獻花猿臂長。何處青山不道場。涼寶瓶
甘露漿。方池上。白蓮秋水香。

湖上書事

三首 夏宴三曲 太平樂府作
首曲 湖上仙遊

玉手銀絲鱸。翠裙金縷紗。席上相逢可喜煞。插一枝
茉莉花。題詩罷。醉眠沽酒家。
雍熙樂府作可喜殺
又作一枝金鳳花

六月芭蕉雨。兩湖楊柳風。茶竈詩瓢隨老翁。紅藕花
香座中。笛三弄。鶴鳴來半空。
雍熙樂府詩
瓢作詩囊

竹枕蘆花被。草衣荷葉巾。一棹烟波湖上春。真神仙

身外身蓬萊近。紫簫吹鳳雲。

春思

象管鴛鴦字。錦箏鸞鳳詩。何處風流馬上兒。思那回
春暮時。別離事。帶花折柳枝。雍熙樂府那
回作却回

遊仙

桂影黃金樹。帝鄉白玉京。夢斷鈞天月正明。聽粉箏
江上聲。遊仙興。落花香洞庭。

別後

太平樂府
作睡起

翠被夢中夢。雁書來處來。秋水芙蓉花又開。猜愁雲
慙玉釵。人何在。月明閒鳳臺。雍熙樂府作瘦雲慙玉
釵。陽春白雪作瘦雲慙

玉釵

感興

野唱敲牛角。大功懸虎頭。一劍能成萬戶侯。愁黃沙

白鬪體成名後。五湖尋釣舟。

此首雍熙樂府歸吳仁獍

閱武爲李正則賦

雁翅銀鎗隊。虎皮鐵馬羣。畫鼓三聲江上村。屯半千
存孝軍。梅花引。繡旗楊柳春。

閨怨

寶鑑殘粧暈。怕羅新淚痕。又見梨花雨打門。因玉奴
心上人。無音信。倚闌看暮雲。

陽春白雪。雍熙樂府。殘粧作殘紅。樂府新淚痕。

作訴淚痕倚闌作俯闌

四塊玉

閑居

勝事添。殿塵滅。玉洞仙書帶雲緘。金華羽士登門探。
酒一罍。藥幾籃。經半龕。

春情

酒易闌。愁難解。杏臉香銷。玉粧臺。柳腰寬。褪羅裙帶。
春已歸。花又開。人未來。

樂閒

遠是非。尋瀟灑。灑地暖江南。燕宜家。人閒水北春無價。
一品茶。五色瓜。四季花。

喜春來

鑑湖春日

雁啼秋水移冰柱。蟻泛春波倒玉壺。綠楊花謝燕將
雛。人笑語。遊遍賀家湖。

金華客舍

落紅小雨蒼苔徑。飛絮東風細柳營。可憐客裏過清
明。不待聽。昨夜杜鵑聲。

永康驛中

荷盤敲雨珠千顆。山背披雲玉一蓑。半篇詩景費吟哦。芳草坡。松外採茶歌。

春夜

收雲斂雨銷金帳。望月瞻星傅粉郎。歡天喜地小紅娘。來要賞。花影過東牆。

賣花聲

席上

半泓秋水金星硯。一幅寒雲玉版牋。美人索賦鷓鴣天。瓊杯爭勸。珠簾高捲。燕歸來。海棠庭院。

偶題

落花露冷蒼苔逕。纖手風生白玉箏。夜香誰立紫雲亭。知音誰聽。雕闌獨凭。柳陰中。月明人靜。

太平樂府作知音誰

訴失韻

懷古

首二

阿房舞殿翻羅袖。金谷名園起玉樓。隋隄古柳纜龍舟。不堪回首。東風還又。野花開暮春時候。美人自刎烏江岸。戰火曾燒赤壁山。將軍空老玉門關。傷心秦漢。生民塗炭。讀書人一聲長歎。

春

太平樂府並下三首作四時樂興

寥寥簫鼓東風暖。是處園林景物妍。一春常費買花錢。東郊遊玩。西湖筵宴。樂醕醕滿斟頻勸。太平樂府作西湖筵

賞失韻

夏

澄澄碧照添波浪。青杏園林煮酒香。浮瓜沉李雪冰涼。紗櫺藤簟。旋籜新釀。樂醕醕淺斟低唱。

秋

瀟瀟鞍馬秋雲冷。一帶西山錦畫屏。功名兩字幾飄零。東籬瀟灑。淵明歸興。樂醕醕故園三徑。鈔本北曲聯樂府與

太平樂府俱作淵明歸去此依韻改

冬

陰風四野彤雲密。繚繞長空瑞雪飛。銷金帳裏笑相偎。氈簾低放。滿斟瓊液。樂醕醕醉了還醉。陰風原作陰雲此從

雍熙樂府

客況三首

綠波南浦人懷舊。黃葉西風染鬢秋。暮雲歸興仲宣樓。天南地北。塵衣風帽。漫無成數年馳驟。

十年落魄江濱客。幾度雷轟薦福碑。男兒未遇氣傷懷。憶淮陰年少。滅楚爲帥。氣昂昂漢壇三拜。李韓小令氣傷

懷作暗傷懷

登樓北望思王粲。高臥東山憶謝安。悶來長歎爲誰彈。當年射虎將軍何在。冷淒淒霜凌古岸。

齊天樂過紅衫兒

道情

首二

人生底事辛苦。枉被儒冠誤。讀書圖駟馬高車。但沾著者也之乎。區區牢落江湖。奔走在仕途。半紙虛名。十載功夫。人傳梁甫吟。自獻長門賦。誰三顧茅廬。

白鷺洲邊住。黃鶴磯頭去。喚奚奴。鱸魚何必謀諸婦。酒葫蘆醉模糊。也有安排我處。

浮生擾擾紅塵。名利君休問。閒人貧富貴浮雲。樂林泉遠害全身。將軍舉鼎拔山。只落得自刎。學范蠡歸湖。張翰思蕙田。園富子孫。玉帛縈方寸。爭如醉裏乾坤。曾與高人論。不羨元戎印。浣花村。掩柴門。倒大

無憂悶。共開樽。細論文。快活清閒道本。

鈔本北曲聯樂府原作寫

浮雲此從北詞廣正譜

元夜書所見

紅粧邂逅花前。眼挫秋波轉。相憐天願長夜如年。看鰲山儘意兒留連。俄延翠袖相扶。朱簾盡捲。妙舞清歌。鞦韆袖垂肩。香塵暗綺羅。小徑閒庭院。回步金蓮。半掩芙蓉面。慢撚桃花扇。月團圓。共嬋娟。無計相留戀。遇神仙。短因緣。回首蓬萊路遠。

湖上書所見

春風院落窗紗。見一箇堪描畫。嬌娃他知是誰家。鬢雲鬆半鞦韆宮雅。無瑕玉骨冰肌。年紀兒二八。六幅湘裙。半拆羅襪。閒遊楊柳邊。困倚秋千下。更不御鉛華。笑指梅香罵。檀口此二娘大。可憐咱。肯承搭。羞弄香

羅帕小桃花。鬢邊插。卽世兒風流俊煞。

鈔本北曲聯樂府原作知

他是誰家。此從北詞廣正譜。

罵玉郎過感皇恩採茶歌

爲貫酸齋解嘲

君王曾賜瓊林宴。三斗始朝天。文章嬾入編修院。紅錦箋。白苧篇。黃柑傳。學會神仙。參透詩禪。厭塵囂。絕名利。近林泉。天台洞口。地肺山前。學煉丹。同貨墨。共談玄。興飄然。酒家眠。洞花溪鳥結因緣。被我瞞

他四十年。海天秋月一般圓。

太平樂府堯山堂外紀皆作逸林泉又作洞花

幽草結因緣。

楊駒兒墓園

莓苔生滿蒼雲徑。人去小紅亭。題情猶是酸齋贈。我把那詩韻賡。書畫評闌干凭。茶竈塵凝墨水冰生。

掩幽扇。懸瘦影。伴孤燈。琴已亡伯牙。酒不到劉伶。策
短藤。乘暮景。放吟情。寫新聲。寄春鶯。明年來此賞
清明。窗掩梨花庭院靜。小樓風雨共誰聽。
太平樂府
雲徑作苔

小山樂府前集

小山樂府後集 蘇隄漁唱

元慶元張可久小山撰 江都任訥中敏編校

水仙子

訪梅孤山

蒼苔封了歲寒枝。翠袖閑來日暮時。黃昏說盡平生事。西湖林處士。想當年鶴骨松姿。花下孤山寺。水邊新月兒。慰我相思。

湖上晚歸

二首

桃花馬上石榴裙。竹葉樽前玉樹春。荔枝香裏江梅韻。風流比太真。索新詞纏住詩人。醉眼空銀漢。歌聲度錦雲。涼月黃昏。

佳人微醉脫金釵。惡客佯狂飲繡鞋。小鬟催去褰羅帶。花寒月滿街。蕩湖光影轉樓臺。未了鴛鴦債。枉教

鷗鷺猜。明日重來。

清明小集

紅香繚繞柳圍花。翠袖殷勤酒當茶。遊春二月清明假。香塵隨去馬。小簾櫺綠水人家。彈仙呂六么遍。笑女童雙髻丫。纖手琵琶。

蘇隄晚興

太平樂府
興作景

翠簾隄上小肩輿。烏帽風前醉老夫。浸冰壺雲錦高。低樹笑王維作畫圖。步凌波紅粉相扶。羅裙酒污。蘭舟棹舉。月上西湖。

湖上小隱

首二

自由湖上水雲身。爛熳花前鶯燕春。蕭疎命裏功名分。樂琴書桑苧村。掩柴門長日無人。蕉葉權歌扇。榴花當舞裙。一笑開樽。

夢隨流水過前灘。喜共閑雲歸故山。倚筇和靖墳前看。把梅花。多處揀。蓋深深。茅屋三間。歌白石爛。賦行路難。緊閉柴關。

春行卽事

綠箋香露灑蕉花。翠線晴風綻柳芽。遊人三月湖山下。六橋邊。爭繫馬。江南第一所繁華。金碧王維畫。管絃蘇小家。酒船回落日歸雅。

孤山宴集

長橋臥柳枕蒼烟。遠水揉藍洗暮天。畫圖千古西施面。相逢越少年。問孤山何處逋仙。吾與二三子。來遊六一泉。載酒梅邊。

折桂令

湖上寒食

雨霏霏。店舍無烟。榆莢飛錢。柳綫搓綿。綠水人家。殘
花院落。美女秋千。沽酒春衣自典。思家客子。誰憐。第
一橋邊。戀住流鶯。不信啼鶻。

湖上道院

鶴飛來。一縷青霞。笑富貴飛蛛。名利爭蝸。古硯玄香。
名琴綠綺。土釜黃芽。雙井先春採茶。孤山帶月鋤花。
童子誰家。貪看西湖。懶誦南華。

酒邊卽事

鶯鶯燕燕相親。幸有名園。著我閑身。竹點詩痕。花消
酒困。柳拂歌塵。錦帳裏團香弄粉。畫樓前訪雨尋雲。
不負青春。誰共佳人。相約黃昏。

避暑醉題

俯滄波。樓觀烟霞。勝覽方輿。獨占繁華。綵艦輕簾。銀

鞍駿馬。翠袖嬌娃。十里香風酒家。一川涼雨荷花。醉
墨塗雅。題遍紅樓。倒裏烏紗。

滿庭芳

湖景

絲竹管絃。花園富貴。柳障嬋娟。綠陰紅影。藏鶯燕。醉
客金鞭。錦步障。長安上苑。玉浮圖。極樂西天。一步一
個屏風面。孤山寺前。無數採蓮船。

普天樂

重過西湖

畫圖中。紅塵外。粧臺玉釵。芳徑羅鞋。金瓶帶酒。攜紈
扇和詩賣。一枕清風扁舟快。碧桃香。兩岸花開。劉郎
再來。西施好客。東閣憐才。

暮春卽事

老梅邊。孤山下。晴橋蟬竦。小舫琵琶。春殘杜宇聲香。
冷茶蘼架。淡抹濃粧。山如畫。酒旗兒。三兩人家。斜陽
落霞。嬌雲嫩水。剩柳殘花。

北詞廣正譜酒
旗兒作酒旗邊

寨兒令

九日登高

過柳洲。喚蘭舟。長空雁聲啼暮愁。樽俎風流。笑語溫
柔。乘興兩三甌。帶黃花人倚紅樓。整烏紗自笑白頭。
歸期何太晚。醉舞老還羞。幽誰唱楚天秋。

太平樂府
老還羞作

老來羞黃鈔小
令雁聲作雁過

遊春卽景二首

二首

藪絳紗。按紅牙。金鞍半鞅玉面馬。仙洞青霞。老樹烏
雅。山一點暮天涯。翠交加。夾竹桃花。錦模糊。照水山
茶。鬧竿兒喬傀儡。艦船上小琵琶。他醉臥美人家。

太平

樂府艦船
作艦船

錦水牋。繡鞍韉。曲江醉題三墜鞭。簾底嬋娟月下因緣。此地遇神仙。有花有酒梁園。無風無雨春天。盈盈小玉梅。穩穩餞金船。偏收向斷橋邊。

湖上春行

桃雨晴。柳風輕。西湖六橋如畫屏。岩溜泠泠樵斧丁。松下倚山僧。陳朝老檜重榮。蘇隄漁唱新聲。竹闌金瑣碎。花貌玉娉婷。同上冷泉亭。

晚涼卽席

玳瑁筵。鸕鶿天。一篇六幺十四絃。石漱冰泉。月滿瓊田。歌舞鬪嬋娟。並頭湖上白蓮。雙飛花下紅鷄。畫圖金地山。粉黛玉天仙。船移向柳陰邊。
黃鈔小令紅鷄作紅鷺

殿前歡

春晚

太平樂府
作春遊

怨春遲。夜來風雨妬芳菲。西湖雲錦吳山翠。正好傳
杯。蘭舟畫槳催。柳外鶯聲碎。花底佳人醉。攜將酒去。
載得詩歸。

湖上宴集

二首
樂府作湖遊

宴瑤池。蓮花白酒綠荷杯。鴛鴦驚起歌聲沸。雲錦離
披。山空濛雨亦奇。水激灑天無際。舡蕩漾人皆醉。孤
山鶴唳仙井龍歸。

嘆詩癯。十年香夢老江湖。笙歌又是錢塘路。往事何
如。青鸞寫恨書。紅錦題情疏。翠館耐春句。桃花結子。
乳燕將雛。

雪晴泛舟

太平樂府作
雪晴舟行

凭闌干。銷金鍋鎔出爛銀山。白模糊不見蘆花岸。空

倚高寒。把西施比玉環。樽前看。素淡家常扮。新聲象
板。清興驢鞍。

清江引

獨酌

玉笛一聲天地愁。便覺梅花瘦。寒流清淺時。明月黃
昏後。獨醉一樽桑落酒。黃鈔小令獨
醉作獨酌

夜景

醺醺綺羅歡笑徹。檀板歌聲歇。寶鼎串香絕。銀燭燈
花謝。玳筵前酒闌人散也。李韓小令歡笑
徹作歡夜徹

情

太平樂府
作題情

描金翠鈿侵鬢貼。滿口兒噴蘭麝。檀板撒紅牙。皓齒
歌白雪。定不定百般嬌又怯。

小桃紅

湖亭秋夜

太平樂府
作夜景

錦鴛偷占藕花汀。花影涵秋鏡。人倚闌干歎孤另。掩
圍屏。傷心眼。見秋成。病。月明弔影。風清遣興。玉手寄
銀箏。

朝天子

湖上

瘦盃玉醅。夢冷蘆花被。風清月白總相宜。樂在其中
矣。壽過顏回。飽似伯夷。閒如越范蠡。問誰是非。且向

西湖醉

黃鈔小令伯
夷作仲尼

紅繡鞋

懷古

金字淡橋空。柳浪翠微深。門掩苔牆。兩袖波光釣夕
陽。孤山花已老。雙井水猶香。記神仙詩句響。太平樂
府作釣

斜陽

西湖雨

鈔本北曲聯樂府原作
雨亦奇此從太平樂府

刪抹了東坡詩句。糊塗了西子粧梳。山色空濛水模糊。行雲神女夢。撥墨范寬圖。挂黑龍天外雨。

簡呂實夫理問

揮翰墨雪車冰柱。列神仙玉佩瓊瑤。一舸紅香占西湖。雲山頻管領。鶯燕任追呼。別是箇風月所。

沉醉東風

湖上晚眺

林君復先生故居。蘇子瞻學士西湖。六月天孤山路。載笙歌畫船無數。萬頃玻璃浸玉壺。夕陽外荷花帶雨。

晚春席上

客坐松根看水鶴來庭下觀棋小硯香殘紅墜竹珊
珊野亭交翠相伴閒雲出岫遲題詩在呼猿洞裏

天淨沙

孤山雪夜

淡粧人在羅浮黃昏月上西湖翠袖翩翩起舞倚闌
索句雪中樹老山孤太平樂府作雪
夜樹老人孤

湖上送別

紅蕉隱隱窗紗朱簾小小人家綠柳匆匆去馬斷橋
西下滿湖烟雨愁花

重遊感舊

迷香小洞維舟題紅老葉沉溝濯錦寒花對酒六橋
依舊遊人兩鬢經秋

晚步

吟詩人老天涯。閉門春在誰家。破帽深衣瘦馬。晚來堪畫。小橋風雪梅花。

憶西湖

燈寒夜雪孤篷。山空曉霧疏鐘。花暖春風瘦筇。六橋春夢。景題留與吟翁。太平樂府春夢作香夢

醉太平

湖上

鈔本北曲聯樂府原並下三首皆作湖上勞氏校鈔本則以下三首作無題此

按詞意將下三首分作失題一首失題二首

洗荷花過雨。浴明月平湖。暮雲樓觀景模糊。蘭舟棹舉。泝涼波似泛銀河。去對清風不放金杯住。上雕鞍誰記玉人扶。聽新聲樂府。

失題

塵蒙了鏡臺。粉淡了香腮。不提防今夜故人來。你將

我左猜小冤家怕不道心兒裏愛老妖精拘管的人
來煞村馮魁割捨得柱兒頰遠鄉了秀才

失題 二首

人皆嫌命窘誰不見錢親水晶環入麪糊盆才沾粘

便滾文章糊了盛錢囤門庭改做迷魂陣清廉貶入

睡餽鈍胡蘆提倒穩中原音韻雍熙樂府水晶環作

又題目作感懷貶入鈔本原
作區入此從中原音韻等

陶朱公釣船晉處士田園潛居水陸脫塵緣比別人

慮遠賢愚參雜隨時變醉醒和闕迷歌宴清濁混沌

待殘年休呆波屈原鈔本原作醉醒和闕此從雍熙

雍熙樂府有嘆世四首二三兩曲即此失題二首
也其首曲云散牛羊漢塚走狐兔秦宮一般瀟灑

月明中競虛名鬪勇一身罪惡千鈞重百年勳業
三生夢五湖烟水一帆風養殘軀善終其末曲云

君唐虞聖明臣伊呂廉能兆民篇鼓舞添杯興糊突
流老成貪婪花酒酬歡慶留連歌舞添杯興糊突

夢魂有誰醒。大家醉太平。
詞前未具名。未必張作也。

落梅風

月明歸興

松梢月。桂子香。又詩成冷泉亭上。醉歸來曉風生嫩涼。戲金船玉人低唱。
陽春白雪曉風作晚風。

春晚

二首

銀缸暗。翠袖遮。麝煤銷露螢明滅。下西湖美人忺過也。打梨花雨聲昨夜。

東風景。西子湖。濕冥冥柳烟花霧。黃鶯亂啼蝴蝶舞。幾秋千打將春去。
陽春白雪作東風地。

書所見

柳葉微風鬧。荷花落日酣。拂晴空遠山雲淡。紅粧女兒兒十二三。採蓮歸小舟輕纜。
李輯小令晴空作長空。又與陽春白雪纜作攬。

憶西湖

青鸞信。白雁書。望江南。夢飛不去。西湖錦雲。誰是主。
拍闌干。滿空烟樹。

梧葉兒

夏夜卽席

泝月蘭舟便。歌雲翠袖勤。湖上絕纖塵。瓜剖玻璃甕。
酒傾白玉盆。鱸切水晶鱗。醉倒了羲皇上人。
雍熙樂府泝月

作釣月

春曉隄上

花垂露。柳散烟。蘇小酒樓前。舞隊飛瓊佩。遊人碾玉
鞭。詩句縷金箋。懶上蘇隄畫船。
雍熙樂府碾作裊畫作釣

湖山夜景

李韓小令山作上

猿嘯黃昏後。人行畫卷中。蕭寺罷疏鐘。濕翠橫千嶂。

清風響萬松。寒玉奏孤桐。身在秋香月宮。雍熙樂府畫卷作圖

畫李韓小令清風作晴風

第一樓醉書

梨雲褪。柳絮飛。歌斂翠蛾眉。月澹冰蟾印。花濃金鳳

鈿。酒盞玉螺杯。醉寫湖山第一。黃鈔小令鈿作裝

雍熙樂府並前列詩囊寄提清事。猿嘯黃昏後三首及吳克齋詞舟中句一首。題作放懷亦不具名。

風入松

九日。二首。按譜風入松無么篇。因分作兩首。

哀箏一抹十三絃。飛岸隔秋煙。攜壺莫道登臨晚。雙

雙燕爲我留連。仙客玲瓏玉樹。佳人窄索金蓮。鈔本與李

韓小令俱無燕字。據詞綜補。

琅玕新雨洗湖天。小景六橋邊。西風發眼山如畫。有黃
花休恨無錢。細看茱萸一笑。詩翁健似常年。詞綜常年

小山樂府後集蘇堤漁唱九一中華書局聚

作當年又起
處作瓊瓊

小梁州

春遊晚歸

玉壺春水浸晴霞。景物奢華。綵船歌管間琵琶。青旗
挂。沽酒是誰家。夕陽一帶山如畫。數投林萬點寒雅。
曲水邊。孤山下。遊人歸去。明月管梅花。雍熙樂府
管作映

分得金字

湧金門外小壺天。駿馬金鞭。屏山金翠畫龍眠。金鶯
囀。金柳曲闌邊。金波滿。捧金杯。勸舞春風半起金蓮。
金縷衣。金羅扇。玉人金釧。醉上金船。黃鈔小令作
黃杯滿捧金

波
勸

避暑卽事

兩峯晴翠插波光。十里橫塘。畫樓簾影挂斜陽。誰凝

望。紈扇掩紅妝。蓮舟撐入荷花蕩。拂天風。兩袖清香。

酒醉歸。月明上棹歌齊唱。驚起錦鴛鴦。

雍熙樂府。簾影作疏影。月

明作明月。錦鴛鴦作宿鴛鴦。

訪杜高士

杖藜十里聽松聲。隱隱相迎。飛來峯下樹青青。添清興。流水玉琴橫。拂雲同坐苔花磴。桂飄香滿地。金星山影寒。天光淨。野猿啼月。詩在冷泉亭。

雪晴詩興

冰壺光浸水精寒。好景人間。暗香來處是孤山。尋梅慣。詩思壓驢鞍。瓊姬爭捲珠簾看。畫船中歌舞吹彈。明月殘。白石爛。寶花樓閣。十二玉闌干。

雍熙樂府。吹彈作唱。彈寶

花作
凌空。

湖山堂上醉題

漁翁蓑笠釣船孤。棹入蓬壺湖。山堂上柳千株。芭蕉綠。涼影翠扶疏。東坡舊日題詩處。喜無人任我歌呼。半醉時。秋山暮。一行白鷺。萬朵錦芙蓉。小令作西山暮。

金字經

湖上小隱

老翁婆娑處。清風安樂窩。十二闌干錦繡坡。多好山橫翠蛾。蘭舟過。月明聞棹歌。

採蓮女

小玉移蓮棹。阿瓊橫玉簫。貪看荷花過斷橋。搖柳枝學弄瓢。人爭笑。翠絲抓鳳翹。

秋望

白髮三千丈。畫樓十二闌。鷗鷺翩翩逐往還。山淡雲秋樹間。蘆花岸。釣船沙上灘。

湖隄春日

院宇綠楊樹。酒旗紅杏村。一片棠梨蘇小墳。春水邊多麗人。鶯花陣。玉驄嘶錦雲。

秦樓月

失題

鈔本北曲聯樂府原闕題

尋芳屨出門便是西湖路。西湖路旁花行到。舊題詩處。瑞芝峯下楊梅塢。看松未了催歸去。催歸去。吳山雲暗。又商量雨。

漢東山

失題

十首鈔本原闕題李輯小令作感述按前四首似感述後五首似懷古餘一

首則湖上也

騎鯨滄海波。高枕白雲窩。人生夢南柯。睡覺來也末哥。積玉堆金待如何。田地闊兒女多。惹爭奪。鈔本原作鬪爭

奪此從
小令

西村小過活。老子自婆婆。千家飯一鉢。飽了人也末哥。紫綬金章鬧呵呵。不如我芳草坡。釣魚蓑。

綠袍翻敗荷。醉後自磨跔。市上小兒多。要錢也末哥。暮四朝三笑呵呵。藍采和。沒奈何。假風魔。鈔本原作磨跔此從

李輯
小令

紅粧間翠娥。羅綺列笙歌。重重金玉多。受用也末哥。二鬼無常上門呵。怎地躲。索共他。見閻羅。

香風瑞錦窠。涼月素銀波。蘭舟夜如何。晚涼也末哥。萬頃湖光鏡新磨。小玉娥。隔翠荷。採蓮歌。

黃沙白橐駝。玉勒紫金珂。一簇小宮娥。送了他也末哥。馬上琵琶爲誰撥。到黑河。將奈何。淚痕多。

霓裳舞月娥。野鹿起干戈。百年長恨歌。開了也末哥。

萬馬千軍早屯合。走不脫。那一塌馬嵬坡。

烟花暗綺羅。車馬鬧鳴珂。樽前皓齒歌。醉殺人也末哥。閉月羞花賽姮娥。那老婆。送了他。鄭元和。李輯小令作賽

婦娥

神仙張志和。一棹鼓滄波。中流扣舷歌。快活也末哥。

杜酒新篘鱖魚活。湖海闊。烟雨多。暗漁蓑。黃鈔小令滄波作烟

波杜酒作社酒

黃庭換白鵝。夜冷飯牛歌。湖上月明多。受用也末哥。紙帳梅花病維摩。奈老何。學坐鉢。做工課。

小山樂府後集